

Sarajevo, 02.12.2022. godine

SARAJEVO INNOVATION SUMMIT 2022

Obnovljivi izvori energije kao put do smanjenje emisija i energetske nezavisnosti

Jučer je (01.12.) u prepunoj sarajevskoj Vijećnici održan 5. Sarajevo Innovation Summit u organizaciji Ekonomskog fakulteta Univerziteta u Sarajevu i Ekonomskog instituta Sarajevo u saradnji sa Misijom USAID u Bosni i Hercegovini.

Ove godine centralna tema najznačajnijeg samita inovacija u regiji je bila je najaktuelnija tema današnjice – energetska i klimatska kriza. Živimo u vremenu tzv. triple C krize – one uzrokovane COVID-19 (Covid), klimatskim promjenama (engl. climate change) i konfliktom (engl. conflict) što čini proces donošenja odluka i kreiranja politika u svim područjima veoma izazovnim. Ovogodišnji Summit nudi konkretne preporuke za prevazilaženje klimatske i energetske krize i to kroz ulaganje u obnovljive izvore energije, štednju odnosno smanjenje energetske potrošnje, te diverzifikaciju energetske zaliha i dobavljača kako bi se osigurala energetska sigurnost i neovisnost.

Jedna od ključnih ideja održivog razvoja je činjenica da Zemlju nismo naslijedili od predaka, već smo je posudili od svoje djece, što znači da je neophodno prilagođavanje naše strategije energetske tranzicije novom geopolitičkom kontekstu. Za implementaciju efikasne klimatske i energetske politike(a), neophodno je nastaviti graditi jaka partnerstva na svim nivoima i u svim sektorima. Potrebno je zajedno raditi na pronalaženju realnih i pravednih rješenja koja će pomoći da se prevaziđu globalni klimatski izazovi smanjenjem emisija, prilagođavanjem, inovacijama i zajedničkim strategijama.

Summit je otvorila dekanica Ekonomskog fakulteta prof. dr. Jasmina Selimović i direktorica Misije za međunarodni razvoj pri USAID-u u Bosni i Hercegovini gospođa Courtney Chubb, a prisutnima se obratila i gradonačelnica Sarajeva dr. Benjamina Karić, direktor regionalnog ureda Friedrich Ebert Stiftung Dialogue Southeast Europe dr. Ralf Melzer, te idejni tvorac i osnivačica Sarajevo Innovation Summit-a prof. dr. Amila Pilav-Velić.

Keynote govornici Summit-a 2022 su bili dr. Steven S. Burns, direktor energetike i infrastrukture u Uredu za Europu i Euroaziju u Američkoj agenciji za međunarodni razvoj, **Andrej Gajić**, naučnik National Geographic-a i Počasni ambasador Mediteranskog mora; **Snježana Kopruner**, Direktorica GS-TMT d.o.o. Travnik BiH.

Summit je ove godine organizovan u okviru aktivnosti obilježavanja **70 godina** postojanja **Fakulteta**, čime se želi dati doprinos održivom razvoju ekonomije i društva u cijelosti.

Srdačan pozdrav,

Lejla Sinanović, Ured za odnose s javnošću
033 253 786; 062 854 051
lejla.sinanovic@efsa.unsa.ba